

封邱縣續志

王廣慶題



封邱縣續志文徵詩類目錄

歌謠

古謠 十九首

擬古樂府

月明引

落葉辭

登高邱而望遠海

將進酒觀白下陳大一飲三百杯卷子感賦此篇

新樂府

瀟湘曲

海外鳥行

罌粟花歌

吏商

封邱縣續志

卷二十七 目錄

開封新豫印刷所承印

淮陰歎

志怪篇

五古

反已四章

觀書一章

秋懷詩

秋雨歎

村雨

重游泮水和友人

七古

石問

冷齋鉄如意歌

大水行

五律

過衡家樓合龍處

傷亂

過廢園

題破硯

初至里門改葬先大夫時屆鄉試

太白星晝見

獨夜

憶兩弟妹

春夜感夢

歲暮讀高密傅少隅孝廉贈詩并近作依韻答之

新春有感

和友人感時詩原韻二首

白松樹

甲子除夕

百孝詩

七律

讀史有感

封邱縣續志

卷二十七 目錄

二

開封新豫印刷所承印

日照尹蘭圃初未識書來稱予文欲與為兄弟交答之

懷薛曉湘蜀中

懷孫佩南榮成

紫微

書蔣心餘先生冬青樹傳奇後

瘞靜娘於里旋渡河有作

陳橋驛

述懷

閻捷率筆

友人以杏花村農旅懷詩囑和即步原韻

和劉香翁張仙翁贈席錦翁之作次徐小柴原韻二章

錄一

和仙翁元韻後尚有餘意感賦二章

錄一

感時興嘆再疊元韻酬和二章

依元韻既吟二章因復過兵再易調更唱一章

中和日兵住敝村次日頻行阻雪翌日又大風雪感作

四日早起又風雪至午微晴續作

農家

嘉平既望邑城聞警協力防守共計十七晝夜感賦四章 錄三

清明節卽事感賦 秋柳和王新城元韻三章 錄一

送警佐桂紫湘赴新任二章 感懷

和友人睢陽懷古 翡翠樓懷古

梁園書感 平邱懷古

和姜大令留別二首 秋雁四首

送邑侯黃瀛橋遷擢鹿邑三章 錄一

封邱縣續志 卷二十七 目錄 三 開封新豫印刷所承印

和留別二章 留別四章 錄一

懷石湛甫 秋柳二首步韻 錄一

感時三首 錄一 大梁懷古

俠少 詠菊

七絕

偶成 送友人詩二首

平邱懷古二首 遊百里使君祠懷古

封邱縣續志卷二十七

文徵

詩 清至民國

附志

歌謠

文徵八

古謠

何家琪

天道茫茫人心皇皇

疑信半方寸亂

冬防熱夏防寒惟防無患

牛行緩老於田馬行疾葬於邊

鳩拙得巢人勿徒勞

逐羊九千係於一鞭

封邱縣續志

卷二十七 文徵八

一

開封新豫印刷所承印

馬蒙虎皮奔其羣人戴鬼面驚其鄰

魚戀餌鷹戀臂健兒戀騎

富貴不止忘其死

朽梁飾屋小人陷祿

執政持法官日起田里小民舉足死

富而吝不如窮居才而狂不如愚夫

欲封王上戰場

哲父生兒愚美婦多醜夫

過飢兒饑過飽兒憨

去則去來則來中道不可以徘徊

漁父不食魚織女不衣華

言獻大君能福萬人

毋賤賤毋愚愚古聖人兮不輕一夫

右古謠十九首錄自天根詩選按詩選計二冊未詳卷數與何人所輯  
猶係手鈔本存於河南圖書館內其篇章與天根詩鈔多有相同茲就  
詩鈔未載者採入後仿此

擬古樂府

文徵九

月明引

何家琪

天地居紫微樞運度無濫衆星經緯交立月爲之監自汝奉令行浮雲巧爲啗  
狡兔容入藏竊柄光漸欠鬼物伺其傍剝食體幾陷三五放中天明極魄胎暗  
封邱縣續志 卷二十七 文徵九 二 開封新豫印刷所承印  
上有大河橫下有萬人關苟能常持盈汝職庶無忝

落葉辭

何家琪

秋風天上謫一葉萬里瀕洞江海入寒鼉白晝曝日晴老蛟夜半咽潮泣若有  
人兮洞庭山珠宮縹緲靈旗翻神指似握千年淚偶彈落徧黃雲間且逐猿啼  
三峽曲蜀鵲猶賸春魂哭南來鴻雁聲何哀前飛鷹蒼後鷲秃明月出關山涼  
露花帶酒霑衣裳趙女莫老人間舞乘龍騎鳳夢如兩老天爲我回終古  
登高邱而望遠海

何家琪

登高邱青天愁日朝出東海頭下視三山十洲如浮漚飛煙乘鸞不可見封禪  
駕駿誰重游何況今日朝生暮死之蜉蝣乾坤開闢始盤古其間玉女壺雷公  
鼓羲和鞭揚魯陽戈舞任爾紛紛魚化龍鼠變虎可憐搏出媧黃土誰是真仙

才披髮大荒來惟見六合濛濛不見塵與埃忠臣孝子存人理不然吞舟砂飲  
金液人間其有不幸之形骸丈夫既不能摧眉折腰事權貴又安能攀龍附鳳  
上叩軒轅臺但使披肝瀝膽見天日咫尺萬里奚如哉

將進酒觀白下陳大一飲三百杯卷子感賦此篇

何家琪

月自古江自流交不逢天下士說不盡胸中愁惟有一飲憑吊向來龍蟠虎踞  
帝王洲六代興亡一旦暮故宮胥井青山路秦淮鳴咽繞石頭餘哀總如蘭成  
賦王氣銷歇仍雄都興朝巡幸六龍趨筦鑰偶然虛天塹新亭翻歎風景殊繁  
華頓萃春申浦壁壘周遮震歌舞層樓慘澹百蠻天蛟市喧塞中華土金珠濫  
賤驕簪纓魚肉羶腥尊鼎俎上座皆何人貴官雜大賈四筵屏以如花女獨君  
於此寓孤懷縱飲日輒三百杯飲之不足圖爭開但見千圖萬圖中之杯雲捲

封邱縣續志

卷二十七 文徵九

三

開封新豫印刷所承印

而濤飛吳越題句皆才子大梁狂生拍案起欲贈一言請自此圖始我皇有道  
守在四夷天下之責當今其誰少壯歲月不我再英雄心事惟酒知將進酒有  
所思月古兮復來江流兮復回太白復生亦徒高臥市上誰道謫仙才

右詩四首錄自天根詩選

新樂府

文徵十

瀟湘曲

何家琪

山蒼蒼雲茫茫悠悠一水云是古時二妃哭帝之瀟湘二妃渺兮不可見惟有  
餘淚點點至今猶在青琅玕染爲古色何班黃環佩從帝來天上明月照見祠  
宮涼春回老樹鷓鴣叫階前對舞雙鳳凰事隔千載疑朝夕人心誰不思君王  
思君王望瀟湘我欲歌此曲未歌先斷腸落花曉露霑衣裳

海外鳥行

何家琪

海外大鳥升高木千百往來門戶熟年年伺我主人屋凡鳥不敢視視卽失其目朝蝕心兮暮啄肉凡鳥冤憤同來死撲主人止之懼屋覆豈無鷹將軍羽翼潛自縮不聞鸚鵡言籠中先覿鯨杜鵑憐凡鳥望天惟一哭凡鳥勿驚杜鵑勿哭鳥飛去主人福

罌粟花歌

何家琪

罌粟花紅可憐雨中弄面如杜鵑過客見之問是誰家田誰家田不種穀種穀利輕稅不足花愈多穀愈少花香一吸人眞飽

吏商

何家琪

柳子厚云吏非商也吏而商吾謂商何敢望吏吏而商或有商所不爲者乎

封邱縣續志

卷二十七 文徵十

四

開封新豫印刷所承印

作吏商

爲十年商不如爲一日吏吏其名者商其利商之商利殖一會計吏之商利劫於權勢權勢小者利一身權勢大者利子孫或云吏商之利易積亦易耗枉竊商名商反笑

淮陰歎

何家琪

生不與噲等伍王豈能容諸呂淮陰不死呂不興殺之原非由漢主登臺大風四方誰與守太阿已入婦人手安劉垂死望何人未殺幸贖周與陳

志怪篇

何家琪

論語曰子不語怪春秋備志之何也夫星隕日食天之怪山崩川竭地之怪蠲退豕啼物之怪人獨無怪乎作志怪



缺舌之鄉瘴海之涓厥有大怪不知氏誰被中國之冠與帶服聖人之書與詩猶我族類而心獨異自以爲瑰奇卓絕非彪非熊以上追古人渾敦橈杙饕餮窮奇昔堯之時猓獠鑿齒九嬰大風皆爲民害今盛世而有此亦云其宜彼夫人而而八首十尾六足四翼視晝暝夜吹冬呼夏不足倫皆但見手巨靈以擘華嶽頭共工以觸地維不獨象神姦於禹鼎直以蒙俱之狀而僭宣尼旣自命遺世獨立胡爲三豫四聰八達鬼躁鬼幽千百爲羣而奉爲人師華士聞人聖所必戮况其謬託通儒坐擁皋比口如河懸筆如風馳要其大旨不過欲胥天地之經帝王之典祖宗之舊制而變爲侏離狂泉共飲妄相品題政樞互援雲路翔迴諂附用事結爲死友而 含天憲墨敕日下間然遂號爲周伊令之急若薪束濕法之紛更類牛毛與繭絲但得二三識時務雋傑在左右游手冗吏

一切草薶禽獮之靡遺是時天下方驚以爲麒麟之瑞頌以爲鳳凰之儀其如螢火敢見於白晝日出而冰山立隕無論嵇生琴夏侯色已一旦白首而同歸伊古以來白馬有清流之禍甘露陷不密失身之機上蔡之犬不牽於李斯華亭之鶴不聞於陸機潘岳慚於其母范曄泣涕於妾姬奈何羽翼盡剪而竟脫渠魁豈眞石晉挾契丹以邀閨位毋乃效巫臣教吳張元奔夏苗劉倡亂幸託僞楚與僞齊豈不聞叔皮之論是有天命非人所爲楊時有言今日之事當以收人心爲先內賴韓歐善兩宮之調護外仗頗牧鎮撫於四夷物中腐而後蟲生漫令異域之封豕長蛇覬覦而乘我之危於是命太眞以犀角逼水族遣茂先以華表照斑狸董養莫更太息於蒼鵠之飛甚矣人之好怪不必紀夔罔兩龍罔象羴羊之皆何等特書爲臣道萬世之蒼龜

右詩六首錄自天根詩選

五古

文徵十一

反已四章

何家琪

好學固有在讀書非近名苟不求其理白首將無成古來萬千卷几上徒縱橫  
前賢識一字以之終身行

耳目官一心手足聯一體此外或有干強附非毛裏忠信自難知容悅且爲恥  
安得四海人一朝皆兄弟

交遊忌標榜尤不尙激刻本以道相師節取亦爲得議人固無難我過不自克  
彼皆出憤語安知非戇直

難治此邦俗不肖州縣官平心自思之俱非長者言監司責牧令牧令責小民

封邱縣續志

卷二十七 文徵十一

六

開封新豫印刷所承印

上下皆自反或者風俗醇

觀書一章

何家琪

一日不觀書眼中忽如餓未竟二三行對物光漸大亂雲橫空來白日激之破  
匣中脫干將平地石嬰挫萬斛流珠璣蛟龍紛涕唾貓虎逮昆蟲奇功祭隆蜡  
百代會一堂孔子中央坐伏鄭爲之右程朱爲之左景略肆雄談諸葛自高臥  
清風孤竹來盡立草木懦小子蝨其間自位不肯下深悔二十年文章空浪作

秋懷詩

何家琪

羣山赴滄海雲氣莽以陰片雨從西來亂木秋森森二氣久相寇時序速寒侵  
大造反無極突爾成古今烈風薄暮起萬物流商音何人坐堂曲寂寞橫孤琴

秋雨歎

何家琪

丈夫岸白帽上坐操秦聲人頭視匕首意氣吞幽并秋飛一夜雨十萬來天兵  
黑龍輦霹靂魑魅先潛明蕩蕩大河水千里無人行婦嬰胡床上臥言天下平

村雨

何家琪

村雨羣籟寂深林晦曉霽微聞敲火聲隱隱出林際有人荷鋤行各語夜不寐  
隴上日初升草光濕欲墜大地雖未普幾家有生氣焉敢望飽煖聊以供租稅

右詩八首錄自天根詩選

重游泮水和友人

黃蔭枏

浮生若大夢倏忽已百年撫今追往日蒼桑幾變遷猶記辛未歲來游泮水邊  
少年羣結隊青衿集翩翩嘗試僂指數周甲恰一圓策杖欲重遊遊興轉索然  
溯彼舊游侶落落晨星懸發奮學髯蘇宮牆在眼前池泮宛然在不復聞誦絃

封邱縣續志

卷二十七 文徵十一

七

開封新豫印刷所承印

水則空涓涓草則空芊芊滿地散榆筴盈堦裊柳綿對此騷白首今昔感無端  
憶昔少壯時抗志希前賢談道宗周孔論文陋許燕上下千古事矢口似流泉  
建樹竟何若奚事問蒼天媿我負身世老大學耕田閒來一垂釣得魚已忘筌

右詩一首錄自古槐書屋詩鈔按蔭枏字子毓邑人著有古槐書屋詩鈔

七古

文徵十二

石問

何家琪

光緒十五年秋予于洛陽城隅得一石肖丈人形其棄置蓋久矣既記其事  
復作歌以問之

石丈人汝來前汝且安坐聽我狂言汝下何不塞茫茫之海上何不補蒼蒼之  
天而乃獨臥洛陽城隅之西偏洛陽自古天下盛衰之所繫華林金谷久已歷

歷隨雲煙孤柱雖堅莫支大廈仙糧雖熟莫濟荒年江海橫流徒令犀牛傳一  
自五丁開蜀道舟車從此便夷蠻良嶽且移趙宋鼎禍福于汝何誅焉汝不見  
學舍小園之草朶也茅作亭而竹作障也大雨壓屋化爲山而荆棘敗瓦怒相  
抗也一朝徙汝亭之旁何公然拱立而作人狀也石丈人汝來前數汝祖典可  
能一一言書何爲而啟神禹功何爲而紀始皇苟所遺無餘臭流百世之芬芳  
子何所諱而稱孝吏何所取而名廉苟虛聲之是盜來萬口之攻砭縱令蹟則  
怪怪奇奇胸則磊磊落落骨則嶮硤而硤磷氣則抑鬱而旁魄或傭之於販夫  
屠沾或避之于峻巖絕壑而苟其寸心之無主亦何異于世上一切面其脂而  
鬼醜首其冠而虎惡亂曰我欲佛汝兮佞子匍匐我欲兄汝兮孔方側目媵汝  
于床第兮貌不如玉侍汝于几席兮書不解讀石丈人石丈人汝其從我游爲

封邱縣續志

卷二十七 文徵十二

八

開封新豫印刷所承印

汝插菊滿頭注酒滿甌相與對此萬古之高秋

冷齋鐵如意歌

何家琪

余齋置鐵如意十餘年矣惜其負質矯健而于世無所用也歌以壯之  
於虜如意汝何不爲朱雲劍以斬禹頭秀實笏以擊泚頰王著銅鎚以斲阿合  
馬之腦而徒負此鐵中之錚錚傭中之佼佼於虜如意我亦不能枕之如越石  
之戈著之如士雅之鞭指揮之如諸葛之羽扇而乃等之于談元之塵尾拊馬  
之便面振古以來天下不如意事十常八九獨錫嘉名胡爲乎而况天下之盛  
衰國家之治亂吾人骨肉交游死生散聚之故不如意時恆有如意時恆無獨  
錫嘉名胡爲乎迺碎珊瑚迺擊唾壺手如意而重爲之歌曰渾厚之質剛建之  
德節雖屈而抗竹之直色雖黝而抵玉之白其精也如金其介也如石其寒也

如冰其削也如壁其空明也不必水晶其光怪也不必琥珀舉而起舞可以折  
破陣之槍橫而嗚咽可以裂出塞之笛執而濡染淋漓可以代大筆而作討賊  
之檄當今之世如意耶否耶面赫赫兮割佞席齒稜稜兮嚼柔肋氣凜凜兮奪  
鬼工而褫奸魄眼中鐵漢老無敵筆咎蛟龍下霹靂不鑄六州錯不易連城壁  
不用帶甲百萬而寸心足以報國

右詩二首錄自天根詩鈔

大水行

黃蔭栢

鴻雁嗷嗷遍野哀昊天不吊降巨災周禮救荒十二政遵而行者何人哉丁巳  
以來頻大水靈雨連綿久不止穀不順成已三年子遺流離溝壑死今年此患  
甚中州刁湍沙涓伊洛皆橫流隴畝無由識阡陌涯涘那復變馬牛憶昔革命

封邱縣續志

卷二十七 文徵十二

九

開封新豫印刷所承印

武昌中東亞人人望時雍鹽鉄度支漢武帝間架陌錢唐德宗剝民原來期富  
國孰知民困國愈窮欲賑粟而倉庾匱思貸錢而帑藏空嗚呼噫嘻無孟子誰  
請發棠非晦翁疇備社倉不學泛舟之任好而效移粟之魏瑩奚啻決西江以  
蘇轍鮒無異指牽牛而服車箱拆東壁補西牆割彼民心頭之肉醫此民眼前  
之瘡究竟罪一而漏萬卒至兩敗而俱傷哀哉窮黎竟遭此陽侯河伯之不良  
君不見南陽路上人拋妻子別父母男女繼屬遍地走戴敝冠兮蓬首衣襤縷  
兮露肘稿項黃馘憔悴之幼童龍鍾偃僂悽愴之老叟呻吟載道聞呼庚太息  
何時得熟西繪圖鄭俠難窮形畫鬼道子不盡醜吁嗟乎誰司民牧胡弗已溺  
己饑引爲切身之災急急焉一援手

右詩一首錄自古槐書屋詩鈔

五律

文徵十三

過衡家樓合龍處

劉艮生

嘉慶八年河決冲張秋貫運河由利津入海九年塞之費帑千萬咸豐五年  
河決銅瓦廂值軍興旁午無力及河故得復漢時王景之故道余官工部時  
當鄭州未決以前曾力破山東巡撫奪淮之議今益知其不謬

天意方求莫人心豈測天自非神禹智誰挽橫流年宮已宣房築歌仍瓠子傳  
至今懷漢策端讓老兵賢

右詩一首錄自蔚廬詩稿按艮生名齊賢瀏陽人由工部改官河南布  
政使著蔚廬詩稿

傷亂

何家琪

封邱縣續志

卷二十七 文徵十三

十

開封新豫印刷所承印

烽火滿東國窮儒尚浩歎斯時無血性何日有心肝衆命皇天託孤城旦夕安  
莫須問生理世事正艱難

過廢園

阿家琪

門巷定誰家淒涼開野花從來好孫子常守是桑麻蔬菜秋霜老村籬落日斜  
有人傷晚景隴畔一停車

題破硯

何家琪

吾生留破硯江海歲年多老屋還風雨文章自泣歌空談果奚補至性不可磨  
滿世砒砒貴千金奈爾何

初至里門改葬先大夫時屆鄉試

何家琪

生小長江側壯遊東海濱今朝一歸里真是大梁人文豈堪及第期原迫葬親

墓門初展謁合族盡霑巾

太白星晝見

何家琪

炎日正當陽何來太白光晦明眞反覆戎馬亦倉皇異象千人見兵端四海防  
仰天告台輔善衛紫微方

獨夜

何家琪

獨夜恆危坐病餘惟苦吟一身千古業萬事五更心天地邊雲暗親朋暮草深  
平生多血淚那得不霑巾

憶兩弟妹

何家琪

猶聞吾妹在不覺淚盈巾萬古無斯變同生有斯人廟堂重定日家室未亡身  
回首東齊地新墳草正春

封邱縣續志

卷二十七 文徵十三

十一

開封新豫印刷所承印

春夜感夢

何家琪

春盡客無家新愁入夜賒夢還圓似月魂更豔於花乍對驚眞在相思未有涯  
故國紅豆落誰與惜年華

歲暮讀高蜜傅少隅孝廉贈詩并近作依韻答之

何家琪

北風吹歲盡蕭屑不堪聞無處來生計何人識大文山河都失險冠蓋自如雲  
尚有海東客閒居賦筆勤

新春有感

何家琪

柳尚難青眼人偏易白頭愁心對春色無物不深秋晴晦變朝夕溫寒顛葛裘  
誰將天下事未雨早綢繆

右詩十首錄自天根詩選

和友人感時詩原韻二首

黃蔭枏

窮途悲不盡老境感愈深  
杞抱憂天恨葵餘捧日心  
鼓笳三方動陸地四邊沉  
哀此支離叟餘生悵淚沱

人老交偏少年荒食苦多壯懷消若此逸興短如何酒熟樽頻倒詩成墨幾磨  
庭槐生意滿對影悵婆娑

右詩二首錄自古槐書屋詩鈔

白松樹

崔震東

勁節標千古青山自主賓  
翠針仙鳳羽銀甲老龍鱗  
映月雲呈彩凌寒雪滿身  
華陽悵未遇偃蹇困風塵

甲子除夕

崔震東

封邱縣續志

卷二十七 文徵十三

十二

開封新豫印刷所承印

殘年今夜盡獻歲明朝初爆竹聽隣舍屠蘇飲寓廬鄉國頻惆悵甲兵未解除  
歸心誰與訴珍重一封書

右詩二首錄自燕南遊草按震東字雅艇見選舉表著有燕南遊草醉  
芳軒吟稿

百孝詩

張蕉啟

大孝尊親至舜帝雞鳴問寢時周文王袞衣宵眇解漢文帝溺器滌常持黃山谷橘際邀  
青目陸績桑前感赤眉蔡君仲求魚冰凜凜王延覓鶴日孜孜庾域杙故成三熟王虛之霜

偏識四陲董永鄭君美琴瑟鄭義宗妻羅氏好壘篋羅德威藜藿關心版仲由蘆花播口碑  
閔子騫苗蘇炎暑稿吳明徹堇茁盛寒滋劉殷馮肅家洵著馮肅黃香世所推黃香風徽鄉

熟謚王尚綱月旦里人詞吳蕃昌加等譽前哲仲孫蔑難能率舊規仲孫速顏丁雖中禮



丁顏曾子實堪師參允協泉稱孝陸終欣竹號慈薛孟妻偕傳廣漢姜寇戒犯臨

淄江革迎盜安親善趙從軍代父宜木顯揚酬荻畫歐陽誦讀廢莪詩王哀株守

依丹柰王苦居產紫芝張子獨楓圍合抱郭世二栗理連枝楊延塚擾霜毛兔

邕蔡廬馴綠野狸武宏赤鳥訢在宇吳白燕解巢楣殷泣血三年慟高子尋親萬

里馳趙重通靈鳩可感頓報德虎堪醫郭山獸銜能舍包實風湍涉不疑黃端

松歎堊內觸許瓜許夢中貽焦值柏棲鸞翮方穿林衣鹿皮剡金因天賜得郭

官為父名辭賈再代蒙神佑楊還來訢母飢劉蒲萄歸願奉陳叔虬鱸殺無遺

石明三墓木何須種宗瓶蓮豈遽萎蕭子折柳花結果臨刑凍竹筍穿籬孟銜土

勞烏喙文將除碎豹趾王氏恣蚊餐已飽吳搯虎救親危楊女敬淳于敢淳于

男欽袁最癡袁六齡童有號段司七表冠魯期華益壽心方慰王延年目詎衰

封邱縣續志 卷二十七 文徵十三 十二 開封新豫印刷所承印

郭琮友兼光宋史宋太諺亦入明詩萬道術何妨好荀齋僧總勿訾屠文煙蓑藏

李父都區星月噪芻尼呂良血刺經千卷顧骨歸途萬巖廉十三將擇葬裴半

合不相知朱壽捧檄歡毛義毛聞雷愴竺彌竺心憂泥嘗糞庾黔乳食勝含飴

唐夫人刻木供親像丁沉江負考尸曹鼓鼙銜足異顏風樹哭恆悲皋太守加矜

也何子淮陽永復之陳孝宿嫌箴重案妻常痛泣輕笞韓伯純孝求忠舉吉

精忠自孝移岳衣綿腸益斷朱百對芋涕仍垂鮮于藤得仙人指解叔瓜承佛

者施滕三人青紫侍耿起舞綵衣戲老

右詩一首錄自採訪冊蕉啟字雨窗見選舉表

七律 文徵十四

讀史有感 何家琪

周秦遞降化難漸白兔蒼鷹敢避嫌天道難論安世貴人情尙恕郅都廉從來  
大亂始刑重未有清時許吏嚴炭甕鐵籠前鑒在早思赫赫謝民瞻

日照尹蘭圃初未識書來稱予文欲與爲兄弟交答之

何家琪

短劍西風逐客遊孤吟大澤老羊裘何期北海知劉備直比東坡許子由天地  
論交才幾斗江山攬勝氣千秋文章自是吾徒事早薄當時萬戶侯

懷薛曉湘蜀中

何家琪

曉叩秦關上劍門倒看海影落孤罇長江峽猛擘天出絕棧雲高纏日昏一代  
賦才司馬賤千秋淫祠碧鷄尊野臣憂國何人識丞相祠前獨斷魂

懷孫佩南榮成

何家琪

抱書遠自楚天歸萬卷翻餘馬正飛苦志竟成諸弟學箋經眞挾古人微洞庭  
湖上白雲渺不夜城邊黃葉稀宮錦方披親不見好將袞職補春暉

紫微

何家琪

紫微星拱日初中磐石山河滿戰功朝有直言眞盛世天遺大任數名公霜橫  
絕塞連關隴雲扈諸陵起鎬鄴海上孤城臨萬里夕濤涌處正秋風

書蔣心餘先生冬青樹傳奇後

何家琪

夜半諸陵朝鬼神何期草莽出微臣百年撒手惜年少兩字傷心說宋人古剝  
千年牛馬骼冬青一樹杜鵑春厓山塊肉憑誰問落日寒潮大海濱

瘞靜娘於里旋渡河有作

何家琪

流水春光憂裏過從今土底展雙蛾百年有盡終同穴匹馬無情此渡河交記  
微時知己少夢回往事淚痕多良因好待來生補莫向秋墳化女蘿

陳橋驛

何家琪

陳橋驛外亂鴉飛踏盡黃沙馬不肥  
大志平生今果爾小兒覆轍今誰歸  
幾聞敵國傳新璽但見河流逐日暉  
况我獨來荒旱後汴都城近麥花稀

述懷

何家琪

官羈洛下似孤雲埋首蕭齋避見聞  
未敢向人論大計偶然借酒著奇文  
失時蛩雁曾何益當道狐烏久莫分  
恨不一朝投幘去江湖重訪十年羣

右詩九首錄自天根詩選

聞捷率筆

邢守道

沿渠八社破天荒捷報宮花姓字香  
直到而今才寸進原來此事亦尋常  
丹梯獨步還千仞白髮開顏樂一堂  
惟有問心難信處對人羞與說文章

封邱縣續志

卷二十七 文徵十四

十五

開封新豫印刷所承印

友人以杏花村農旅懷詩囑和卽步原韻

邢守道

莫愁白髮長三千一落紅塵只百年  
旅店懶留眞姓字此生合是散神仙  
熱腸枉畫勤王策冷眼閑看執富鞭  
惟有詩人憐愛甚暮雲春樹望將穿

右詩二首錄自採訪冊守道字印中見選舉表著含辛齋文詩及公餘

隨筆

和劉香翁張仙翁贈席錦翁之作次徐小柴原韻二章

錄一

邊其恆

隨車甘雨徧春郊編入新詩藉用茅

錦公下車卽得甘雨香翁贈詩故珍之

鳳泊鸞飄看作字

錦泉

詩字皆工

石攻金斷合論交同聲相應求同氣爾酒旣清嘉爾肴

錦翁屢招諸君宴會賦詩

借問

黃鐘羣奏處可容瓦缶響爭敲

諸君詩告成余獨落後

和仙翁元韻後尚有餘意感賦二章

錄一

邊其恆

聞道宜溝樹戰功將軍小李正臨戎師驅貔虎如時雨隊逐鷹鷂下朔風直北  
關山鼙鼓震大東佩璫酒漿空那堪歲歉民貧候又際兵差絡繹中

感時興嘆再疊元韻酬和二章

邊其恆

干戈擾攘徧神州生不逢辰欲淚流武將頓兵因惜命聞此起官兵日行三二十里文官握

篆尚持籌關非禦暴亦空設民盡無家何處投對此歔歔難自己誰云君子有

微猷

余與仙翁忝在團練一籌莫展任人笑罵矣

春愁不是陽和散當春而愁不解露宿那堪霜雪凌時大雨雪難民多在簷下投宿人嘆無鳩將瓦解

逃亂逃兵人心不固民非安燕豈臺登空嗟萋楚賡篇什民無家矣難覓桃源問武陵人欲避亂恐無

此福地也莫學拊膺雙涕泗何必效沾巾相看斑鬢兩鬢髻次首結句應欲淚流之意自嘆還自慰也

依元韻既吟二章因復過兵再易調更唱二章

邊其恆

封邱縣續志

卷二十七 文徵十四

十六

開封新豫印刷所承印

莫談時事莫心傷酌酒勸君君且嘗縱使流離轉溝壑災害並至人人自危何須顛倒著

衣裳仙翁辦公昕夕維勤然不在其位有志難伸鳳鸞竟被鷹鷂逐所有民居悉為兵勇倚勢佔據貔虎翻同梟獍

狂兵與賊害民無異且聞有敗則復叛之語欲息鴻嗷徒畫策從今不必卜行藏委之命可也

誰膺專閫寄屏藩社稷隱憂貽至尊不能扼賊去路竟至蘆溝橋邊逼近京畿燕雀處堂鴻鵠笑而上

督撫失策下而紳民不備皆非鯨鯢肆毒豕蛇吞兵如破賊能除暴民即毀家知感恩如能滅賊即殃

但恐不能耳何事天公太作劇雪花飛舞陣雲屯二月朔住封初二日即行天復雨雪竟阻去路毀瓦畫墁

為害百端民大不堪

中和日兵住敝村次日頻行阻雪翌日又大風雪感作

邊其恆

繞郭連營信宿盤當前事事總心酸雪飛撲面迷人易初二兵已行因雪而同風起打頭

行路難初三風雪更不能行是天時之可愁者佩璫酒漿空有物民間被子衣物俱為兵掠取而去米珠薪桂孰

加餐

米柴昂貴逃民有終日不一食者

舉杯欲把愁消盡

傍晚酌酒以盼明朝之晴

祇恐凍雲依舊寒

四日早起又風雪至午微晴續作

邊其恆

風雪連天故故吹百年世事不勝悲狼烽蕩掃知何日鳳鳥和鳴非昔時

余身猶及

見太平景象今非時矣

翻手為雲覆手雨

余村人趙林拐兵銀兩童子李姓家有藏錢被兵掘地取出

予頭浙米劍頭

炊鄉中有米麵不得食被兵奪去拂之則脅之以兵

亂離相恤還相勸願祝昇平酒一卮

農家

用八音字冠首

邊其恆

金德占穰秋告成石橋溪畔刈霜粳絲麻價減桑田富竹樹晴開花柳明匏酌新醅嘗臘酒土翻舊脈趁春耕革心風俗都歸厚木柵雞豚靜不驚

右詩九首錄自採訪冊其恆字松君見選舉表

嘉平既望邑城聞警協力防守共計十七晝夜感賦四章

錄三

張澂宇

封邱縣續志

卷二十七 文徵十四

十七

開封新豫印刷所承印

夜半嚴寒透鐵衣雪花如掌撲人飛青燈籠暗星千點

每夜五更燈半昏暗况又被雪壓

白玉

成環帶一圍桴鼓不鳴宵寂寂烽烟暫隔絮霏霏鴻泥踏徧誰相問莫認山陰訪戴歸

終宵幾度暗登城戒備森嚴衆不驚徧插旌旗環難堞頻傳刁斗問鼉更慚無遠慮紆長策竊恃楠材挾短兵前導無煩燈作引

官長巡城皆有雙燈前導

霜寒風急獨巡

行

守陴獨步荷戈登屐齒艱危到上層七里迴環送宵柝五更明滅認疏燈行踪沒脛寒侵骨噓氣沾鬚冷結冰莫笑儒生心膽怯臨深履薄自兢兢

清明節卽事感賦

張澂宇

鏡影鬢眉畫不傳盈霜堆雪白相憐驚心令節忘鑽火到眼韶光過禁烟何暇

尋春芳草地可能沽酒杏花天干戈擾攘連城闕晝夜圖維策萬全

秋柳和王新城元韻三章

錄一

張澂宇

依依官道拂征衣物換星移節候非送客亭邊別情黯宜春苑裏舞腰稀不堪  
入耳寒蟬亂最是傷心暮雁飛汴水隋堤今在否故園風景莫相違

右詩五首錄自採訪冊澂宇字仙嵐見選舉表

送警佐桂紫湘赴新任二章

黃蔭枏

籬菊開時酒正芳登高却不爲重陽離情悽絕三秋樹別緒愁看九月霜檢點  
來詩期付梓摩挲手蹟欲裝潢青青最是城邊柳也替騷人變作黃  
野菊開時九月天迴首往事盡如烟自慚無計留高士偏妒他鄉得上賢鄭重  
新書藏白簡流連舊句護紅箋此生未卜重相會老泪龍鍾獨潸然

封邱縣續志

卷二十七 文徵十四

十八

開封新豫印刷所承印

感懷

黃蔭枏

病入膏盲問國醫處堂燕雀自戲嬉嵇劉有恨託杯酒屈宋無聊賦楚辭諸葛  
出遭嘔血日長沙生遇哭涕時一腔心事向誰訴閉戶高歌老杜詩

和友人睢陽懷古

黃蔭枏

轉眼繁華事盡空隋堤楊柳幾春風魯公碑上文猶綠李妓樓前血尚紅好鳥  
喚醒遊子夢野花開滿故王宮睢陽祠宇年年埽俎豆馨香萬古同

翡翠樓懷古

黃蔭枏

破瓦頽垣歲正秋遊人到此盡勾留桃花血染班姬扇翡翠香埋燕子樓碧玉  
貞同烈士齒綠珠拌碎佞臣頭當年逆黨今何在城外惟餘睢水流

梁園書感

黃蔭枏

龍門峭壁禹疏開滾滾大河貼地來朱亥一錐公子客枚生七發孝王才薔薇  
雨濕藏經閣楊柳烟籠吹鼓臺閒步夷門空吊古聲聲畫角動人哀

平邱懷古

黃蔭枏

團團月色一潭秋芳草滿地水不流遺愛未忘漢刺史分封猶憶夏諸侯烟埋  
古井英雄淚露冷荒台粉黛愁夜雨瀟瀟聲乍歇曉鐘到耳韻偏悠

和姜大令留別二首

黃蔭枏

福星一路下朝端四野歡呼望又安有道自堪臻上理得人何必復鄉官邑雖  
僻陋治偏易吏是仙才化不難臨歧軍民同下泣爲君敷教在仁寬

抗志希文共樂憂鳴琴治績憶從頭花村月朗人常靜綠野農耕俗不偷兩袖  
清風輕結束一方保障重綢繆此行課最知堪卜好與國家借箸籌

封邱縣續志

卷二十七 文徵十四

十九

開封新豫印刷所承印

秋雁四首

黃蔭枏

千山萬水路迢遙秋雁長征羽翼捎瀚海風沙飛漠漠洞庭木葉下蕭蕭自還  
塞北無多日又到江南第幾橋涼月三更孤枕上離人思婦總魂銷

底事南征千里雁秋來秋去在長途悠悠斷岸江楓冷漠漠平沙塞草枯明月  
戍樓誰弄笛淒霜廢苑早棲烏年年作客衡陽地信寄紅箋問有無

塞北楚南悵路長無端秋雁向衡湘平沙衰草關山月淺水蘆花野渡霜驚破  
紅樓愁萬緒書成碧落字千行明春暖氣回楊柳又自雲程返故鄉

可憐萬里南征雁天氣無端又入秋楚水吳山長作客淒風冷雨頓添愁蘆花  
瑟瑟荒江岸木葉蕭蕭古渡頭嘹唳一聲驚旅夢那堪孤枕月如鉤

右詩十三首錄自古槐書屋詩鈔

送邑侯黃瀛橋遷擢鹿邑三章 錄一

張鳴琴

琴久承德化忽爾相違祖餞之際特詠數首以誌不忘

共被生成政治新福星一路是前因清風遠播田間樂化雨均沾格外仁耕鑿  
渾同忘帝力歡欣不覺露天眞回思暇日琴堂侍侍委曲民情得上陳

右詩一首錄自採訪冊鳴琴字南薰邑人

和留別二章

黃庭芝

敢云善政與時新食祿有方澄夙因南北兩河分異地官民一體視同仁人情  
到處皆天理吏治由來本性眞差幸官遊遵孔轍不離宋衛與齊陳

撫字催科未得宜治人治事漫敷施臨民但願同民好在位休存出位思未茁  
莫將苗助長莠鋤應使蔓難滋安良除暴何容易自問能無愧職司

封邱縣續志

卷二十七 文徵十四

二十

開封新豫印刷所承印

留別四章 錄一

黃庭芝

驪歌一唱送行旌入耳聲聞恥過情兩袖風清無長物千秋月旦有公評論功  
豈敢爭先著寡過終虞愧未能士習民風相表裏殷勤厚望在諸生

右詩三首錄自採訪冊庭芝見職官表

懷石湛甫

崔震東

懷人正值荷花天一別梁園又隔年愧我筆耕仍碌碌羨君書記自翩翩爲耽  
泉石心多懶偏教鱗鴻信罕傳千里關山雲樹渺臨風還望寄瑤箋

秋柳二首步韻 錄一

崔震東

灞橋送別記曾攀憔悴爲誰改舊顏明月淒涼金縷曲西風蕭瑟玉門關當年  
嫵媚傳京兆今日腰肢瘦小蠻莫笑門前多冷落陶令歸來自清閒



感時三首 錄一

崔震東

十年鼎革戰雲屯烽火蒼茫大地昏  
梁父吟成空有恨華胥夢幻總無痕  
小民未解滄桑變帝國偏懷雨露恩  
悵望沙場頻灑淚天涯多少未歸魂

右詩三首錄自醉芳軒吟稿

大梁懷古

范永堂

落日蒼烟繞碧空梁園極目黍芄芄  
古城雲斷流明月老樹秋深起冷風  
鳥跡難尋蒼頡字鳳樓空憶魏王宮  
千年陳迹人何處俯仰乾坤見塞鴻

俠少

范永堂

年少豪華心胆雄上林乘興看花紅  
錦衣流盡青樓酒怒馬踏殘紫陌風  
眉上毫光寒夜月腰間劍氣射長虹  
天涯十載無征戰醉臥長安野寺中

封邱縣續志

卷二十七 文徵十四

二十一

開封新豫印刷所承印

詠菊

范永堂

菊屆重陽分外新西風占斷竹籬春  
晚妝綽約超凡卉寒色妖嬌絕等倫  
冒雨秋心歸老圃凌霜勁節伴詩人  
問渠那得清如許本是金光百鍊身

右詩三首錄自採訪冊永堂字子高邑人

七絕

文徵十五

偶成

姜式礪

兀坐長松寄傲身一瓢一笠一綸巾  
名疆利索無心問白眼看他世上人

右詩一首錄自採訪冊式礪字筱溪見人物志

送友人詩二首

黃蔭枏

一路霜華鋪板橋行人歸去馬蕭蕭  
自慚無物堪持贈只有離愁繫柳條

兩情戀戀影依依目注斜陽不忍歸回首來時楊柳樹都成黃葉逐風飛

平邱懷古二首

黃蔭栢

破瓦頽垣埋古邱人人說是故通侯寶弓繁弱今何在覓得殘碑記勝遊  
車馬如雲出城闈尋花問柳不勝春霸氣空爭成底事滿池芳草惹遊人

右詩四首錄自古槐書屋詩鈔

遊百里使君祠懷古

張鳴珂

徐州勳業已成空故老猶傳百里嵩下馬向人訪舊宅獨留祠塚月明中

右詩一首錄自採訪冊鳴珂字曉鸞見選舉表

